

70-01-91

Guldebrief-artikelen - van de Stavense grootschippers.
uit 1539

schepenen: Olfert hollesoon
Jan Reynerszoen

Opnieuw vastgesteld in 1564.
overleden van het grootschippersgilde:

Eolkerk Allartszoen

Jop Naenckeszoen

Jarich Anneszoen

Baucke Bruinszoen

Thomas Allartszoen

Hijelcke Sywerdszoen

Reyner Reynerszoen

Simon Hiddeszoen

Secretaris

L. R. L. Phockus.

In 't jaer ons heren duesent vijffhondert neygen ende dertich, (Godt Allmachtich tot loff ende eren, soe sint bijeen gheweest die ghes. die ghemene zeevaerende grootschippers bijnnen Staeveren ende sint mit malkanderen eendrachtlycken ende lieflycken accordeert, sloeten ende verdraegen tot ere, wollvaeren, nuth ende prophdyt der ghemene zeevaert op zeeckere ...ten ende hiernaer verclaert.

In den eersten sint die ghennene grootschippers mit malkanderen tot wellvaeren van hoere ende hoere vrunden schepen ende gueden, lieflycken ~~we~~ accordiert, sloeten ende verdraegen alle jaeren een leyts laecken mit dat eerste schip inden Oorezondt den tollener te schencken op dat die zellvighe tollener hoer mit hoere schepen ende guedt op rechtveerdighen ende ..woentlycken tollen behollplycken ende vorderlycken wezen sall in hoeren rechtveerdighen saecken.

Ten anderen sindt desse voerscreven schippers mit malkanderen een cleyn gildt?geaccordiert ende sloeten toe onderhouden, in 't welcke zullen wezen vier ollderlueden ende die daertoe versien ende van die ghemene schippers coeren werden die zullen 't blijven in dat jaer, op die verbuerte van een tonne Hamburgerbiers.

Ten lilden alls 't jaer omcoemen ende verloepen is, zullen die zelve vier eerste ollderlueden vier ander nye ollderlueden kiezen, ende die zelve ollderlueden allzoe van den oldden gecoeren, zullen 't dat jaer wesen, elck bij die piene ende verbuerte van een tonne Hamborgher biers.

Ten liiden zullen die zelve olde ollderlueden den nye (vier) ollderlueden van hoeren ontfangh ende wtgheven scauldich, reeckonenghe ende reliqua ghehouden wessen toe doen ende alle olde resten ende affterstall elckander claerlycken op toe lleveren.

Ten vijften zullen dat voors. gillt ofte broederschap, alle jaeren (een) lieflycke gaercompst hebben op zulcke tyden alls 't d ollderlueden metten meestendeel van den schippers mit ~~ende guet~~ ^{ende bi guet} duncken sall, ende alsdan een tonne biers te drincken ende alle dingen elck mit anderen te verbeteren ende nyet toe verach.... om dat men nu alle dingen h.... rypliek nyet bydenck ende bij-gescrijft in die rolle stellen dan.

Ten viten ofte enich van desse voerscreven schippers bynnens jaers ontschippert worde ofte zijn schipp bij quaet aeventuer bij der zee verloes ofte ende nyet langgher voeren w wilde, die zelve sall quiteert ende ontslaegen wezen van allen lasen voeren geroert.

Ten viiden een schip dat oestwert zeylt ofte oest ende west beyde zeylt, sall ghehouden wezen heell gelit toe geven op sulcke oord..... ende verdrach alls bij den ollderlueden mit guedtbo-duncken der gemene schippers wtstelt ende oordoneert wert.

Ten viiden, een schip dat in Norwegen zeylt, 't zelve sall quiteert ende ontslaegen wezen ~~van-atten-lasten,-veeren-gereert-~~ ^{hullif} gelt toegeven, oeck bij middell ende eek oordynantye van d'ollderlueden mit die gemene schippers.

Ten negende is belieft bij die gemene grootschippers dit zelve accordt, allyantye ende verbondt allus elck mit anderen lieflycken ende getrouwlycken onverbrecklyck t onderhouden ende 't aftervullgen; ende oft enigh van allen in 't zelve 't aftervullgen onredelyck bovenden worde, sall staen tot informatye ende onder-wijsinge der ollderlueden mit den gemenen schipperen; ende dit accordt, allyantye ende verbondt, sall tot correctye ende guetbij-duncken der gemene schipperen stall ende voertganck hebben; ende om ~~derwi~~ der onwillyg.. twee ofte drie nyet nae blijven sallif ende behouden; alle punten ende artycylen sulen staen tot correctye van den gemenen grootschippers ende hoere geordonneerde ollderlueden; Allso angenoemen, accordiert ende verdragen in presentye van Ollfert Lollozoen ende Jan Reynerszoen, schepenen bynnen Staeveren, ende bij den zelliven bijzegelt mit der stadt zecreet zeghell, bij wille ende consent van borgemeisters, schepenen ende raedt der stadt Staeveren. Hoeren segell byneden wtgehangen an dessen brief,

in 't jaer alls boven verhaelt es, opten xiiiiden dach January.

In margine:

Op huyden den xix January, anno xv^c vier ende tsestich, hebben die oude ende nyeuwe ouderluyden van groetschippersgilde binnen Staveren, als naementlycken Polckert Allartszoen, Jop Naenckezoen, Jarich Anneszoen, Maeor? ende Baucke Bruinszoen, Thomas Allartszoen, Hyselcke Syuerdtszoen, Reyner Reynerszoen ende Symon Hiddeszoen, voir har selven ende wten naeme ende van wegen die gemeine groetschippers binnen Staveren, renoveert ende approbeert, renoveren ende approberen midts desen, d'voirscreven presente rolle van date den xiiiiden dach January Ao xv^c negen ende dartich; ~~pe~~ ^{personen} ~~presente~~ aen den gerechte der voirseide stede dat d'selve rolle met 't segell der justitie vanden voirseide stede besegelt mach worden, 't welcke de voirseide ouderluyden in den naeme als vvoiren bij den wet alsoe es accordeert. D'welcke rolle als 't gebleecken es, t'anderetijden bij den selven gerechte besegelt es geweest.

Actum opten raedthuuse der stede Staveren, ten daege als? utsupra.
In kennisse van mij secretarys ondergeschreven,

T. Phockus.